

Na osnovu člana 24. i 117. Statuta Općine Kakanj („Službene novine općine Kakanj“, broj: 4/08), te na osnovu člana 3. Odluke o jedinstvenim kriterijima za raspodjelu sredstava za finansiranje rada boračkih udruženja obezbjeđenih u budžetu općine Kakanj (Službene novine Općine Kakanj, broj: 2/22), Općinski načelnik raspisuje

JAVNI POZIV

za raspodjelu sredstava za finansiranje rada boračkih udruženja za 2023. godinu

I

Raspisuje se Javni poziv za raspodjelu sredstava za finansiranje rada boračkih udruženja iz Budžeta Općine Kakanj za 2023. godinu.

II

Na Javni poziv mogu se prijaviti općinska boračka udruženja registrovana u skladu sa Zakonom o udruženjima i fondacijama („Službene novine FBiH“, broj 45/02), a koja imaju sjedište na području općine Kakanj.

III

Boračka udruženja iz tačke II Javnog poziva podnose prijavu na Javni poziv Komisiji za raspodjelu sredstava za finansiranje rada boračkih udruženja koju imenuje Općinski načelnik putem Službe za društvene djelatnosti, boračka pitanja, raseljena lica, izbjeglice i povratnike.

Prijava sadrži:

- ❖ Obrazac za aplikaciju
- ❖ Rješenje o registraciji kod Ministarstva za pravosuđe i upravu Ze-do kantona;
- ❖ Statut Udruženja/Saveza
- ❖ Posljednji usvojeni izvještaj o radu Udruženja od strane Skupštine Udruženja-ne stariji od godinu dana;
- ❖ Posljednji usvojeni finansijski izvještaj od strane Skupštine Udruženja za utrošena budžetska sredstva i za sredstva iz drugih izvora kojima se finansira Udruženje-ne stariji od godinu dana;
- ❖ Dokaz o realizovanim i započetim projektima iz prethodne godine;
- ❖ Program rada za narednu godinu sa obrazloženjem;
- ❖ Finansijski plan za narednu godinu;
- ❖ Dokazi o osnovnim aktivnostima Udruženja;
- ❖ Dokaz o inovativnosti u rješavanju potreba članstva-odluke o pomoćima;
- ❖ Dokaz da ni po kojem osnovu nemaju dugovanja prema Općini, Javnim ustanovama, Javnim preduzećima i drugima za koje je istekao rok za plaćanje-uvjerenje iz Službe za finansije općine Kakanj, uvjerenje iz Javne ustanove KSC Kakanj, uvjerenja iz Javnih preduzeća Grijanje, elektro Kakanj, Vodokom, Upravitelj, BH telecom
- ❖ Organiziranost i broj članova Udruženja-Koncizan i jasan spisak svih članova udruženja sa socijalnom anamnezom njihovih domaćinstava
- ❖ Opravdanost broja uposlenih u Udruženju u odnosu na broj članova-dokazi kojima se potkrepljuje ova činjenica

- ❖ Broj realizovanih projekata iz dodjeljenih sredstava za finansiranje redovnog rada Udruženja u protekloj godini-dostaviti sve urađene Projekte sa dokazima o postupanju
- ❖ Aktivnosti Udruženja na očuvanju sjećanja na 1992.-1995. i 1941. -1945. godinu-dokazi o očuvanju sjećanja
- ❖ Namjensko korištenje sredstava u skladu sa ovom Odlukom;

IV

Kriteriji za ocjenu podnesenih prijava su kriteriji navedeni u Odluci o jedinstvenim kriterijima za raspodjelu sredstava obezbjeđenih u budžetu Općine Kakanj za finansiranje rada boračkih udruženja (Sl. novine općine Kakanj, broj: 2/22).

V

Proceduru odobravanja sredstava boračkim udruženjima iz tačke I provodi općinska Komisija za raspodjelu sredstava za finansiranje rada boračkih udruženja u skladu sa Odlukom i usvojenim kriterijima iz tačke IV Javnog poziva.

VI

Sva udruženja zainteresovana za učešće na Javnom pozivu obavezna su dostaviti navedenu dokumentaciju iz tačke III – Prijava zajedno sa obrascem za aplikaciju. obrazac se može preuzeti u Službi za društvene djelatnosti, boračka pitanja, raseljena lica, izbjeglice i povratnike Općine Kakanj ili na zvaničnoj stranici općine Kakanj. Prijave se predaju na protokolu Općine Kakanj lično ili putem pošte na adresu: Općina Kakanj, Služba za društvene djelatnosti, boračka pitanja, raseljena lica, izbjeglice i povratnike, ul.branilaca, sa naznakom Prijava na Javni poziv za raspodjelu sredstava za finansiranje rada boračkih udruženja za 2023. godinu.

VII

Rok za podnošenje prijava po Javnom pozivu je 15 dana od objavljivanja u sredstvima javnog informisanja (web stranica Općine Kakanj).

Nepotpune i neblagovremene prijave neće se razmatrati.

Dodatne napomene:

Sve informacije u vezi sa učešćem na Javnom pozivu mogu se dobiti putem telefona: 032/771-800, lokal 846

Broj: 02/17-8763/22

Kakanj, 13.12.2022.



OPĆINSKI NAČELNIK

B. G. G. G.